

PEMBERITAHUAN PERTANYAAN DEWAN RAKYAT

PERTANYAAN : LISAN

**DARIPADA : YANG BERHORMAT DATUK ABD RAHIM BIN
BAKRI [KUDAT]**

TARIKH : 14 MAC 2016

SOALAN :

YB Datuk Abd Rahim bin Bakri [Kudat] minta PERDANA MENTERI menyatakan apakah langkah-langkah yang telah diambil di dalam membendung gejala kebocoran maklumat/dokumen sulit Kerajaan kepada orang awam dan dikongsi di media sosial sejak kebelakangan ini.

**JAWAPAN: YB DATO' SRI AZALINA BINTI OTHMAN SAID,
MENTERI DI JABATAN PERDANA MENTERI.**

Tuan Yang di-Pertua,

Kerajaan telah mengambil langkah-langkah bagi membendung gejala kebocoran maklumat/dokumen sulit Kerajaan dengan mengadakan program pendidikan dan kesedaran keselamatan perlindungan serta khidmat nasihat kepada semua pegawai awam termasuk pegawai-pegawai yang bertugas di pejabat anggota pentadbiran peringkat Persekutuan dan Negeri. Untuk tujuan ini, sebanyak 158 kursus telah di adakan dan 94 taklimat/ceramah telah disampaikan kepada penjawat awam sepanjang tahun 2015.

Kerajaan juga telah mengambil tindakan menggubal Dasar Perlindungan Ketirisan Maklumat Elektronik Sektor Awam (DLP) dengan rakan strategik Unit Permodenan Tadbiran dan Perancangan Pengurusan Malaysia (MAMPU) dan melaksanakan *pilot project* sistem DLP di CGSO dan MAMPU. Polisi dan sistem DLP yang telah diuji dalam projek perintis adalah salah satu kaedah penyelesaian menggunakan teknologi untuk mengekang dan mengesan kebocoran maklumat dalam tiga (3) situasi/keadaan data iaitu data dalam penggunaan (*in-use*), data dalam storan (*at rest*) dan data yang sedang dipindahkan (*in motion*). Gabungan pelaksanaan dasar, proses kerja dan teknologi adalah strategi yang efektif dalam menangani risiko kebocoran maklumat elektronik dalam sesebuah agensi Kerajaan.

Sekian, terima kasih.